

影刊宋金元明本詞

第二四册

遺山樂府目錄

卷上

水調歌頭十一

摸魚兒三

木蘭花慢六

水龍吟五

沁園春二

賀新郎一

窠高樓一

玉漏遲一

滿江紅八

念奴嬌一

永遇樂一

聲聲慢一

卷中

石州慢二

洞仙歌二

滿庭芳一

八聲甘州二

江城子十四

三奠子二

行香子一

感皇恩二

促拍醜奴兒三

青玉案二

婆羅門引一

江梅引一

玉樓春一

定風波二

蝶戀花三

臨江仙十五

江月晃重山一

虞美人二

小重山二

鵲橋仙三

一落索一

南鄉子五

踏莎行一

桃源憶故人一

卷下

鷓鴣天三十六

品令一

浪淘沙六

南柯子三

西江月一

人月圓二

太常引五

眼兒媚一

朝中措十

阮郎歸一

清平樂十一

浣溪沙十一

後庭花破子二

古烏夜啼一

點絳脣八

訴衷情三

採桑子一

謁金門一

好事近一

遺山樂府目錄

遺山樂府卷之上

太原元好問裕之

水調歌頭

少室玉華谷月夕與希顏欽叔飲
醉中賦此玉華詩老宋洛陽耆英
劉几伯壽也劉有二侍妾名萱草
芳草吹鐵笛騎牛山間玉華亭榭
遺址在焉金堂玉室嵩山事石城
瓊壁少室山三十六峯之名也

山家釀初熟取醉不論錢清溪留飲三日魚

鳥亦欣然見說玉華詩老袖有忘憂萱草牛
背穩於舡鐵笛久埋沒雅曲竟誰傳 坐蒼
苔歌亂石耿不眠長松夜半悲嘯笙鶴下遙
天天上金堂玉室地下石城瓊壁別有一山
川把酒問明月今夕是何年

二

與李長源游龍門

灘聲蕩高壁秋氣靜雲林回頭洛陽城闕塵
土一何深前日神光牛背今日春風馬耳因
見古人心一笑青山底未受二毛侵 問龍

門何所似似山陰平生夢想佳處留眼更登
臨我有一卮芳酒喚取山花山鳥伴我醉時
吟何必絲與竹山水有清音

三

緱山夜飲

石壇洗秋露喬木擁蒼煙緱山七月笙鶴曾
此上賓天爲問雲間崧少老眼無窮今古夜
樂幾人傳宇宙一丘土城郭又千年一襟
風一片月酒尊前王喬爲汝轟飲留看醉時
顛杳杳白雲青嶂蕩々銀河碧落長袖得迴

旋舉手謝浮世我是飲中僊

四

庚辰六月游玉華谷回過少姨廟
壁間得古仙詞同希顏欽叔譜詞
中語爲之賦仙人詞今載於此夢
入雲山宮闕幽鸞鶻同侶鴛鳳流
挂月竟夜光不收世俗擾擾成囂
湫醉飛星馭鞭金虬八仙浪跡追
真游龜玉筌蹄四十秋摩霄注壑
須人求覓劔如或笑剗舟陽燧非

無鹿里儔元鼎以來虛崑丘東井
徒勞冠帶修松殮竹飲度蜃樓崧
頂坐嘯垂直鉤祗應慚愧劉幽州
又題知音者無惜留跡 興定庚

辰六月望予與河南元好問趙郡
李獻能同游玉華谷又將歷崧前
諸刹因過少姨祠元周行廊廡得
古仙人詞於壁間然其首章直屋
漏雨爲所漫剥殆不能辨磴木石
而上拂拭淬滌迫視者久之始可

完讀觀其體則柏梁事則終始二
漢字畫在鍾王之間東井又元鼎
所都幽州必賢子虞也夫眷眷不
忘幽州者非吾田疇尚誰歟田復
所事之讎却曹瞞之賞衰俗波蕩
中挺挺有烈丈夫語氣其死而不
忘蓋無疑其能道此語亦無疑觀
者不當以文體古今之變而疑仙
語也噫仙山靈岳宜有闕衍博大
真人往來乎其間而世人莫之識

也予三人者乃今見之夫豈偶然
哉再拜留跡以附知音者之末云

渾源雷淵題

雲山有宮闕浩蕩玉華秋何年鸞鷲同侶清
夢八真游細看詩中元鼎似道區區東井冠
帶事崑丘壤壁沍風雨醉墨失蛟虬 問詩
仙緣底事愧幽州知音定在何許此語爲誰
留世外青天明月世上紅塵白日我亦厭囂
湫一笑拂衣去崧頂坐垂鉤

與欽叔飲時予以同州錄事判官

入館故有判司之語

長安夏秋雨泥潦滿街衢先生閉戶轟飲隣
屋殿歌呼慚愧君家兄弟半世相親相愛知
我是狂夫禮法略苛細言語任乖踈判司
官一囊米五車書騎驢冠蓋藜裏鞍馬避僮
奴只有平生親舊歡笑窮年竟日未必古人
如酒賤可頗置時爲過吾廬

六

賦德新王丈王溪溪在嵩前費莊

兩山絕勝處也

空濛玉華曉瀟灑石淙秋崧高大有佳處元
在玉溪頭翠壁舟崖千丈古木寒藤兩岸村
落 林丘今日好風色可以放吾舟 百來
年筭唯有此翁游山川解后佳客猿鳥亦相
留父老雞豚鄉社兒女籃輿竹几來往亦風
流萬事已華髮吾道付滄洲

七

賦三門津

黃河九天上人鬼瞰重開長風怒捲高浪飛

灑日光寒峻似呂梁千仞壯似錢塘八月直
下洗塵寰萬象入橫潰依舊一峰閑 仰危
巢雙鵠過杳難攀人間此險何用萬古祕神
姦不用燃犀下照未必飲飛強射有力障狂
瀾愛取騎鯨客搥鼓過銀山

八

長源被放西歸長安過余內鄉置
酒半山亭有詩見及因為賦此

相思一尊酒今日盡君歡長歌一寫孤憤西
北望長安鬱々閭門軒蓋浩浩龍津車馬風

雪一家寒鐘鼓催人老天地爲誰寬 丈夫
兒倚天劔切雲冠可能封塞包晨驅去復來
還清廟千金康瓠短褐連城雙壁行路古來
難松栢在南澗留待百年看

九

史館夜直

形神自相語咄諾汝來前天公生汝何意寧
獨有畸偏萬事麤踈潦倒半世棲遲零落甘
受衆人憐許汜卧床下趙一倚門邊 五車
書都不博一囊錢長安自古政路難似上青

天雞黍年年鄉社桃李家家春酒平地有神
仙歸去不歸去鼻孔欲誰穿

十

長壽新齋

蒼烟百年木春雨一溪花移居白鹿東崦家
具滿樵車舊有黃牛十角分去声得山田一
曲涼薄了生涯一笑願兒女今日是山家
簿書叢鈴夜掣鼓晨搗人生一枕春夢辛苦
趁蜂衙竹裏藍田山下草閣百花渾上千古
占煙霞更看商於路別有故侯瓜

十一

范水故城登眺

牛羊散平楚落日潢家營龍拏虎擲何處野
蔓胷荒城遙想朱旗回指萬里風雲奔走慘
蟾五年兵天地入鞭箠毛髮凜威靈一千
年城皇路幾人經長河浩浩東注不盡古今
情誰謂麻池小豎偶解東門長嘯取次論韓
彭慷慨一尊酒胸次若爲平

摸魚兒

正月二十七日予與希顏陪馮內翰

丈肱龍母潭韓吏部釣於龍潭遇雷
古見天封題名即此地也既歸宿於
近潭田舍翁家是夜雷雨大作望潭
中火光燭天明日旁近言龍起大槐
中父老云正月龍起前此未見也龍
潭寺南窪尊馮丈所名

笑青山不解留客林丘夜半孤舉蕭蕭暮景
千山雪銀箭忽傳飛雨遂記否又恐似龍潭
垂釣風雷怒山人良苦料只為三年長安道
上來與浣塵土清陰渡渺渺風煙杖屨各

山元有佳處山僧乞去声我溪南地十里瘦
膝高樹私自語更須問窪尊此日誰賓主朝
來暮去要山鳥山花前歌後舞從我醉鄉路

二

乙丑歲赴試并州道逢捕鴈者云
今日獲一鴈殺之矣其脫網者悲
鳴不能去竟自投于地而死于地
買得之葬之汾水之上累石爲識
號曰鴈丘同行者多爲賦詩予亦
有鴈丘辭舊所作無宮商今改定

之

恨人間情是何物直教生死相許天南地北
雙飛客老翅幾回寒暑歡樂趣離別苦是中
更有癡兒女君應有語渺萬里層雲千山暮
景隻影爲誰去橫汾路寂寞當年簫鼓荒
烟依舊平楚招魂楚些何嗟及山鬼自啼風
雨天也妬未信與鶯兒燕子俱黃土千秋萬
古爲留待騷人狂歌痛飲來訪鴈丘處

李仁卿同賦附

鴈雙入正飛汾水回頭生死殊路天長地久

右這坊
無誰說

附
入雅

附
入雅

可以私

跡之無

小中衣

一幽冥

風嘹月

麓句聲

久米是

物仍可驗其事乃白是歲此陂荷
花開無不並蒂者沁水梁國用時
爲錄事判官爲李明章內翰言如
此此曲以樂府雙蕖怨命篇咀五
色之靈芝香生九竅嚙三清之瑞
露春動七情韓偓香奩集中自叙

語

問蓮根有絲多少蓮心知爲誰苦雙花脉脉
嬌相向只是舊家兒女天已許甚不教白頭
生死鴛鴦浦夕陽無語筭謝客烟中湘妃江

上未是斷腸處 香奩夢好在靈芝瑞露人
間俯仰今古海枯石爛情緣在幽恨不埋黃
土相思樹流年度無端又被西風悞蘭舟少
住怕載酒重來紅衣半落狼藉卧風雨

李仁卿同賦附

爲多情和天也老不應情遽如許請君試聽
雙蕖怨方見此情真處誰點注香湫灩銀塘
對抹胭脂露藕絲幾縷絆玉骨春心金沙曉
淚漠漠瑞紅吐連理樹一樣驪山懷古古
今朝暮雲雨六郎夫婦三生夢腸斷目成眉

語須喚取共鴛鴦翡翠照影長相聚西風不
住悵寂寞芳魂輕煙北渚涼月又南浦

木蘭花慢

孟津官舍寄欽若欽用昆弟并長
安故人

流年春夢過記書劍入西州對得意江山十
半沽酒著處歡游興亡事天也老儘消沉不
盡古今愁落日霸陵原上野煙凝碧池頭
風聲習氣想風流終擬覓菟裘待射虎南山
短衣匹馬騰踏清秋黃塵道何時了料故人

應也恠遲留只問寒沙過鴈幾番王粲登樓

二

擁都門冠蓋瑤圃秀轉春暉悵華屋生存丘
山零落事往人非追隨舊家誰在但千年遼
鶴去還歸繫馬鳳皇樓柱倚弓玉女牕扉

江頭花落亂鶯飛南望重依依渺天際歸舟
雲閒汀樹水繞山圍相期更當何處筭古來
相接眼中稀寄與蘭成新賦也應爲我沾衣

三

賦招魂九辯一尊酒與誰同對零落棲遲興

亡離合此意何窮
匆匆百年世事意
功名多在黑頭公
喬木蕭々故國孤
鴻澹々長空

門前花柳又春風
醉眼眩青紅
問造物何心
村簫社鼓奔走
兒童天東
故人好在莫生平
豪氣減元龍
夢到琅邪臺上
依然湖海沈雄

四

對西山搖落又匹馬
過并州恨秋鴈
年年長空澹澹
事往情留
白頭幾迴
南北竟何人談
笑得封侯
愁裏狂歌濁酒
夢中錦帶吳鉤
嚴城笳鼓動
高秋萬竈擁
貔貅覺全晉
山河

風聲習氣未減風流風流故家人物慨中宵
拊枕憶同游不用聞雞起舞且須乘月登樓
五

游三臺二首

擁岩々雙闕龍虎氣鬱崢嶸想暮雨珠簾秋
香桂樹指顧臺城臺城爲誰西望但哀絃淒
斷似平生只道江山如畫爭教天地無情
風雲奔走十年兵慘淡入經營問對酒當歌
曹侯墓上何用虛名青青故都喬木悵西陵
遺悵幾時平安得叅軍健筆爲君重賦蕪城

渺漲流東下流不盡古今情記海上三小雲
間雙闕當日南城黃星幾年飛去渡春陰平
野草青青水井猶殘石甃露槃已失金莖
風流千古短歌行慷慨缺壺聲想釃酒臨江
賦詩鞍馬詞氣縱橫飄零舊家王粲似南飛
烏鵲月三更笑殺西園賦客壯懷無復平生

水龍吟

從商帥國器獵于南陽同仲澤鼎玉賦此
少年射虎名豪等閒赤羽千夫膳金鈴錦領

平原千騎星流電轉路斷飛潛霧隨騰漉長
圍高捲青川空谷靜旌旗動色得意似平生
戰城月迢迢鼓角夜如何軍中高宴江淮
草木中原狐兔先聲自遠蓋世韓彭可能只
辦尋常鷹犬問元戎早晚鳴鞭徑去解天山
箭

仲澤同賦附

短衣匹馬清秋慣曾射虎南山下西風白水
石鯨鱗甲山川圖畫千古神州一時盛事賓
寮儒雅使長堤萬弩平原千騎波濤捲魚龍

夜落日孤城吹角笑歸來長圍初罷風雲
慘澹貔貅得意旌旗閒暇萬里天河會須一洗
中原兵馬看紫韃鳴咽咸陽道左拜西還駕

二

舊家八月池臺露華涼冷金波漲寧王玉笛
霓裳仙譜涼州新釀一枕開元夢悅猶記華
清天上對昆明火冷蓬萊水淺新亭淚空相
向爛熳東原此夕夜如何高秋空曠一杯
徑醉憑君莫問今來古往萬里孤光五湖高
興百年清賞倩何人喚取飛瓊沽酒作穿雲

唱

三

素九何處飛來照人只是承平舊兵塵萬里
家書三月無言搔首幾許光陰幾迴歡聚長
教分手料婆娑桂樹多應笑我憔悴似金城
柳不愛竹西歌吹愛空山玉壺清晝尋常
夢裏膏車盤谷拏舟方口不負人生古來惟
有中秋重九願年年此夕團樂兒女醉山中
酒

四

同德秀游盤谷

接雲千丈層崖古來此地風煙好青山得意
十分濃秀都將傾倒可恨孤峰幾迴空見松
筠枯槁自都門送別膏車秣馬誰更問一作向
盤中道我愛陂塘南畔小川平橫岡迴抱
野麋山鹿平生心在長林豐草婢織奴耕歲
時供我酒舫茶竈把人間萬事從頭放下只
山間老

五

陳希夷睡歌有契予心因衍之

百年同是行人酒鄉獨有歸休地此心安處
良辰美景般般稱遂力士鎗頭舒州杓畔不
妨遊戲筭爲狂爲隱非狂非隱人誰解先生
意莫笑糊塗老眼幾迴看紅輪西墜一杯
到手人間萬事俱然少味范蠡張良儘他驚
恠陳稹貪睡且陶陶兀兀今朝醉了更明朝
醉

沁園春

除夕

腐朽袖竒夢幻吞侵朝昏變遷長殘燈舊歲

雞聲競早春風歸興鴈影相先南渡崩奔東
屯留滯世事悠悠白髮邊虛名煥徧人間浪
走恰到求田青紅花柳爭妍意醉眼天公
也放顛更雲雷怒捲頰波一汪冰霜冷看老
檜千年園令家居陶潛官罷無酒令人意缺
然從教去付青山枕二明月尊前

二

再見新正去歲逐貧今年送窮筭公田一項
誰如元亮吳牛十角未比龜蒙面目堪憎語
言無未五鬼行來此病同薺鹽裏似楊雄寂

冥韓愈龍鐘 何人炮鳳烹龍且莫笑先生
飯甑空便看来朝鏡都無勲業拈將詩筆猶
有神通花柳橫陳江山呈露盡入經營滲澹
中間身在着薄批明月細切清風

賀新郎

箜篌曲爲良佐所親賦

起節金釵促愛絃間泠泠細語非琴非筑別
鶴離鸞雲千里風雨孤猿夜哭只雌蝶雄蜂
同宿汀樹詩成歸舟遠認宮眉隱隱春山綠
歌宛轉淚盈菊 吳兒越女皆冰玉恨不及

徘徊星漢流光相屬破鏡何年清輝滿寂寞
佳人空谷人世事尋常翻覆入塞新聲愁未
了更傷心聽得江南曲呼羯鼓醉紅燭

寂高樓

商於魯縣北山

商於路山遠客來稀雞犬靜柴扉東家歡飲
薑芽脆西家留宿芋魁肥覺重來猿與鶴總
忘機 問華屋高貲誰不戀問美食大官誰
不羨風浪裏竟安歸雲山既不取吾是林泉
又不責吾非任年年藜藿雀飯芟荷衣

玉漏遲

壬辰園城有懷浙江別業

浙江歸路杳西南仰羨投林高鳥升斗微官
世累苦相縈繞不入麒麟畫裏又不與巢由
同調時自笑虛名負我平生吟嘯擾擾馬
足車塵被歲月無情暗銷年少鐘鼎山林一
事幾時曾了四壁秋蟲夜語更一點殘燈斜
照清鏡曉白髮又添多少

滿江紅

崧山中作

天上飛鳥問誰遣東生西沒明鏡裏朝爲青
鬢暮爲華髮弱水蓬萊三萬里夢魂不到金
銀闕更幾人能有謝家山飛仙骨山鳥哢
林花發玉杯冷秋雲滑彭殤共一醉不爭豪
末鞭石何年滄海過三山只是尊中物暫放
教老子據胡床邀明月

二

內鄉作

老樹荒臺秋興動悠然獨酌秋也老江山憔悴
鬢華先覺人到中年元易感眼看華屋歸

零落筭古呆，唯有醉鄉民。平生樂，凌浩蕩。
觀稟廓月爲燭，雲爲幄，儘百川都釀，不供杯。
杓身外虛名，將底用古來已錯。今尤錯，喚野
猿山鳥，一時歌休休莫。

三

內鄉半山亭浮休居士張芸叟窪尊
石刻在焉

江上窪尊人道有，浮休遺迹尊俎地。江山如
畫百年岑寂，白鶴重來城郭在山花。山鳥渾
相識，便與君載酒半山亭，追疇昔。人易老。

時難得歡未減悲還及身前與身後杳無終
極一笑何須留故事千年誰復知今日判醉
來橫卧隴頭雲林間石

四

方城商帥國器軍中寄同年李欽用
時欽用爲西臺掾在長安

漢水方城今古道幾迴投迹留滯久浩歌狂
醉此心誰識渭北清光搖草樹故人對酒應
相憶記雨牕相對話離憂秋風夕風月笛
煙霞屐身易老時難得鳥飛天不盡野春平

碧我夢秦東亭上飲舉頭但見長安日便與
君重結入開期明年必

五

送希顏之官徐州

元鼎詩仙知音少喜看留跡遽有恨故山飛
去石城瓊壁萬里征西天有意四方問舍今
何日便金虬飛馭解移文知無及 淮海地
雲雷夕自不負髯如戟望幕中談笑隱然就
敵此老何堪丞掾事佳時但要江山筆向楚
王臺上酒甜時須相憶

勅仲純使君守坊州枉道過是枚登
封同宿縣西峻極寺會予以事當往
山中仲純留兵騎見候且約別於洛
陽明日大雨三日輾輻不可行作此
寄之使君以貴曹起家風流有文詞
仕至鳳翔治中南山安撫使先保陝
州有功故篇中及之

畫戟清香誰得似韋郎詩筆還又見從容車
騎待州西北竹馬兒童應有語使君姓字人

人識是往時曾護國西門金湯壁 十日醉
三更席事已去尋無迹對暮涼燈火悵然如
失萬里功名知未免中年離別尤堪惜恨洛
陽風雨暗旌旗空相憶

七

枕上吳山隱隱見宮眉脩碧人好在斷腸渾
似畫圖相識羅韞塵香來有信玉簫聲遠尋
無迹恨不將春色醉仙桃迷芳席 嬋娟月
韶華日夢已盡愁仍積江花共江草幾時終
極錦樹吹殘胡蝶老冰綃剪破鴛鴦隻判楚

雲湘雨一生休休相憶

八

一枕餘醒戢戢共相思無力人語定小牕風
雨暮寒岑寂綉被留歡香未減錦書封淚紅
猶濕問寸腸能着幾多愁朝還夕 春草遠
春江碧雲暗澹花狼籍更柳綿閑颺柳絲誰
織入夢終疑神女賦寫情除有文星筆恨伯
勞東去燕西歸空相憶

念奴嬌

欽叔欽用避兵太華絕頂以書見招

因爲賦此

雲間太華笑蒼然塵世真成何物玉井蓮開
拔千丈獨立蒼龍絕壁九點齊州一杯滄海
車落天山雪中原逐鹿定知誰是雄傑我
夢黃鶴移書洪崖招隱逸尊中發箭筈天
門飛不到落日旌旗明滅華屋生存丘山零
落幾換青青髮人間休問浩歌且醉明月

未遇樂

夢中有以王正之樂府相示者予但
記其末云莫嫌滿鏡星星白髮中有

利名千丈待明朝有酒如川自歌自
放然正之未嘗有此作也明日以示
友人希顏欽叔謂可作未遇樂補成
之因爲賦此二公亦曾同作

絕壁孤雲冷泉高竹茅舍相忘留滯三年相
思千里歸夢風煙上天公老大依然兒戲困
我世間羈鞅此身似扁舟一葉浩浩拍天風
浪中臺黃放官倉紅腐換得塵容俗狀枕
上哦詩夢中得句笑了還惆悵可憐滿鏡星
星白髮中有利名千丈問何時有酒如川自

歌自放

聲聲慢

內鄉浙江上作

林間雞犬江上村墟扁舟處處經過袖裏新
詩買斷古木蒼波山中一花一草也留教老
子婆娑任人笑風雲氣少兒女情多不待
求田問舍被朝吟暮醉慣得蹉跎百尺高樓
更問平地如何朝來斜風細雨喜紅塵不到
漁簑一尊酒喚元龍來聽浩歌

遺山樂府卷之上

遺山樂府卷之中

石州慢

赴召史館與德新丈別於岳祠西新
店明日以此寄之

擊筑行歌鞍馬賦詩年少豪舉從渠里社浮
沉枉笑人間兒女生平王粲而今憔悴登樓
江山信美非吾土天地一飛鴻渺翩翩何許
羈旅山中父老相逢應念此行良苦幾許
虛名悞却東家雞黍漫漫長路蕭蕭兩鬢黃
塵騎驢漫與行人語詩句欲成時滿西山風

雨

二

兒女籃輿田舍老盆隨意林壑三重屋上黃
茅賴是秋風留着舊家年少也曾東抹西塗
鬢毛爭信星星却歲暮日斜時儘棲遲零落
如昨青雲飛蓋追隨傾動故都城郭疊鼓
凝笳幾處銀屏珠箔夢中身世只知雞犬新
豐西園勝賞驚還覺霜葉晚蕭々滿疎林寒
雀

洞仙歌

超化蘸碧軒得欵叔書有相調之語
因代書以寄寺有長明燈龕即所見
而言

青錢白壁自買愁腸遠更恨歡狂負年少記
陽開圖上尊酒留連兒女淚輸與閑人坐釣
茂陵多病後懶盡琴心無復求凰與同調似
清風古殿風動幡搖晴晝永惟有龕燈靜照
雙胡蝶飛來澹無情問墻角莨莠爲誰凝笑

二

黃塵鬢髮六月長安道羞向清溪照枯槁似

山中遠志謾出山來成箇甚只是人間小草
升平十二策丞相封侯說與高人應笑倒對
清風明月展放眉頭長恁地大醉高歌也好
待都把功名付時流只求箇天公放教空老

滿庭芳

遇仙樓酒家楊廣道趙君瑞皆山後
人其卿僧號李菩薩者人頗以爲狂
常就二人借宿每夜容散乃從外來
卧具有閑剩則就之不熱赤地亦寢
一日天寒揚生與之酒僧若愧無以

報主人者晨起持酒盃出同宿者聞
喫酒聲少之僧來謔云增明亭前花
開矣公等往觀之人熟其狂不信也
已而視庭中牡丹果開兩花是後僧
不復至京師來觀者車馬闐咽醉客
相枕藉酒壚爲之一空趙禮部爲雷
御史希顏所請即席同予賦之時正
大四年之十月也

粧鏡韶華牙籤名品慣看培養經年何年曾
見槁葉散芳妍知是毗耶坐客三生夢猶有

情緣薰香手融霞暈雪來占百花前 嫣然
誰爲笑珠圍翠繞且共留連待詩中偷寫畫
裏真傳綉帽擁霜凝紫塞瓊肌瑩春滿溫泉
新聲在梁園異事并記玉堂僊

坐主閑閑公所賦附

天上殷韓解羈官府爛游舞榭歌樓開花釀
酒來看帝王州常見牡丹開候獨占斷穀雨
風流仙家好霜天槁葉穠艷破春柔 狂僧
誰借手一杯喚起綠怨紅愁看天香國色梅
菊替人羞盡揭紗籠護日容光動玉笋瓊舟

都人士年年十月常記遇仙遊

八聲甘州

同張古人觀許由冢古人名潛字仲

升燕人

許君祠層崖上崢嶸幽林入清深坐嵩丘少
風煙濃淡百態變晴陰山下一溪流水不受
是非侵寂寞懸瓢地黃屋無心木杪巘岈
石冢見人間幾度夕鼎朝錡問五丘誰作音
佐天地更生金百季來神州萬里望浮雲西
北淚沾襟青山好一尊未盡且共登臨

京巖龍香海南來霓裳月中傳有六朝圖
畫朝朝瓊樹步步金蓮明滅重簾晝燭幾處
鎮嬋娟塵暗秦王女秋扇年年一枕繁華
夢覺問故家桃李何許爭妍便牛羊丘隴百
草動荒煙更誰知昭陽舊事似天教通德見
伶玄春風老擁鬟顰黛寂寞燈前

江城子

傷花間體詠海棠

蜀禽啼血染冰蕤趁花期占芳菲翠袖盈盈

凝笑弄晴暉比盡世間誰似得飛燕瘦玉環
肥一番風雨未應稀怨春遲怕春歸恨不
高張紅錦百重圍多載酒來連夜看嬾化作
綵雲飛

二

姚家池館魏家隣上番春姓名新傾國傾城
爲雨復爲雲水北水南無別物金屑粉麝香
塵折枝圖上看精神見來頻畫來眞辦作
黃徐無負百年身也待才來花下醉嫌笑語
洛陽人

三

醉來長袖舞雞鳴短歌行壯心驚西北神州
依舊一新亭三十六峰長劍在星斗氣鬱崢
嶸古來豪俠數幽并鬢星星竟何成他日
封侯編簡爲誰青一掬釣魚壇上淚風浩浩
雨冥冥

釣壇見嚴光傳

四

寄德新丈

春風花柳日相催浙江梅臘前開開徧山桃
恰到野醪醪商嶺東來三百里紅作陣綠成

堆 半山亭下釣魚臺
拂層崖坐蒼苔
林影湖光佳處兩
三杯寄語玉溪王
老子因箇甚不同來

五

草堂瀟灑浙江頭
傍林丘買扁舟
隔岸紅塵無路近
沙鷗枕上有書尊
有酒身外事更何求
暮雲歸鳥仲宣樓
弊貂裘爲誰留
千古書生那得盡
封侯好在半山亭
下路聞未老去來休

六

賦芍藥揚州紅

司花着意壓春魁綠雲堆擁香來冉冉紅鸞
十步一徘徊花到揚州佳麗種金作屋玉爲
階門前腰鼓揭春雷倚妝臺儘人催鶯語
丁寧空繞百千迴不道惜花人欲去看直待
幾時開

七

內鄉縣解芳菊堂前大醪醑架芳香
絕異常年開時人有見素衣美婦迫
視之無有也或者以爲花神故併記

之

纖條嫋嫋雪葱籠翠陰重煖香融想是春工
滿意與薰釀百畹種蘭千畝蕙都辦作一簾
風花間人似玉芙蓉月明中下瑤宮只恐
行雲歸去捲花空剩着瓊杯斟曉露留少住
莫匆匆

八

崧山中作

衆人皆醉屈原醒笑劉伶酒爲名不道劉伶
久矣笑螟螣死葬糟丘殊不惡緣底事赴清

冷 醉鄉千古一升平物忘情我忘形相去
羲皇不到一牛鳴若見三閭憑寄語尊有酒
可同傾

九

二更轟飲四更迴宴繁臺盡鄒枚誰念梁園
回首便成灰今古廢興渾一夢憑底物寄悲
哀 青天蕩蕩鏡奩開月光來且徘徊何用
東生西沒苦相催世事悠悠吾老矣歌一曲
盡餘杯

十

夢德新丈因及欽叔舊遊

河山亭上酒如川
玉堂仙重留連
猶悵春風桃李
負芳年
長記鶯啼花落處
歌扇後舞衫
前
舊遊
風月夢相牽
路三千
去無緣
滅沒
飛鴻一線入
秋煙
白髮故人今
健否
西北望
一潛然亭在

十一

劉清川來別同宿康庵
夢與予過田家
飲行及太原作此爲寄

來鴻去燕十年間
鏡中看各衰
顏恰待蒙泉

東畔買青山夢裏鄰村新釀熟携竹杖款柴
開 人生誰得老來閒記清歡見君難長路
悠悠回首暮雲還斷嶺不遮南望眼時爲我
一憑攔清川阜昌諸孫在二上時及與伯玉
知樂游從一

十二

觀別

旗亭誰唱渭城詩酒盈卮兩相思萬古垂楊
都是折殘枝舊見青山青似染綠底事淡無
姿 情緣不到木腸兒鬢成絲更須辭只恨
芙蓉秋露洗烟脂爲問世間離別淚何日是

滴休時

十三

河堤煙樹渺雲沙
七香車更天涯
萬古千秋幽悵入琵琶
想到都門南下望
金縷暗玉釵斜
津橋春水浸紅霞
上陽花落誰家
獨恨經年培養牡丹芽
寒鴈歸時憑寄語
莫容易損容華

十四

行雲冉冉度關山
別時難見時難悵
望南風早晚送雲還
心事情緣千萬劫
無計解玉連

環夕陽人影小樓間曲欄干曉風寒料得
而今前後望歸鞍寂寞梨花枝上雨人不見
與誰彈

三奠子

同國器帥良佐仲澤置酒南陽故城
上高城置酒遙望春陵興與廢兩虛名江山
埋王氣草木動威靈中原鹿千年後儘人
爭風雲寤寐鞍馬生平鍾鼎上幾書生軍門
高密策田畝卧龍耕南陽道西山色古今情

離南陽後作

悵韶華流轉無計留連行樂地一悽然笙歌
寒食後桃李惡風前連環玉迴文錦兩纏
綿芳塵未遠幽意誰傳千古恨再生緣閒衾
香易冷孤枕夢難圓西窗兩南樓月夜如年

行香子

漫漫晴波澹澹雲羅傍春江是處經過桃花
解笑楊柳能歌儘百年身千古意兩蹉跎

酒惡無聊詩苦成魔只間情不易消磨幾人
樵徑何處山阿恨夕陽遲芳草遠落紅多時

在浙江

感皇恩

洛西爲劉景玄賦秋蓮曲

金粉拂霓裳凌波微步瘦玉亭亭倚秋渚澹
香高韻費盡一天清露惱人容易被西風悞
微兩岸華斜陽汀樹自惜風流怨遲暮珠簾
青竹應有阿溪新句斷魂誰解與煙中語

二

夢寐見并州今朝身到未怕清汾照枯槁百
年狂興盡與家山傾倒黑頭誰辦得歸來早

梁苑綠波長安春草惆悵行人暗中老故人
相送記得臨行曾道故園行樂地依然好未
復鄉人王懷玉樂府語也

促拍醜奴兒

學閑閑公體

朝鏡惜跢跢一年年來日無多無情六合乾
坤裏巔鸞倒鳳撐霆裂月直被消磨 世事
飽經過筭都輸暢飲高歌天公不禁人間酒
良辰美景賞心樂事不醉如何

閑閑公所賦附

風雨替花愁風雨罷花也應休勸君莫惜花
前醉今年花謝明年花謝白了人頭乘興
兩三甌棟溪山好處追遊但教有酒身無事
有花也好無花也好選甚春秋

皇甫季真惕餅局二女則牙牙學語
五男則鴈鴈成行見司空表聖一鳴

集障車文

朱麝掌中香可憐兒初浴蘭湯靈椿末老丹
枝秀東鄰西舍排家助喜沽酒牽羊天與

讀書郎便安排富貴文章高門自有容車日
明年且春青衫竹馬鴈鴈成行

三

鄉鄰會飲有請予增損舊曲者因爲
賦此

無物慰蹉跎占一丘一壑婆娑閑來點檢平
生事天南地北幾多塵土何限風波花塢
與松坡盡先生少小經過老來詩酒猶堪在
家山在眼親朋滿座不醉如何

青玉案

落紅吹滿沙頭路似總枝春將去花落花開
春幾度多情惟有畫梁雙燕知道春歸處
鏡中冉冉韶華暮欲寫幽悵恨無句九十花
期能幾許一卮芳酒一襟清淚寂寞西窗雨

二

代贈欽叔所親樂府郵生

苧蘿坊裏青聰駐愛鸚鵡垂簾語一捻嬌春
能幾許寒梅欲動小桃初放恰是開心處
西城流水東城雨綠葉成陰慣相誤只恐詔
華容易去一聲金縷一卮芳酒且爲花枝住

婆羅門引

望月

素蟾散彩九秋風露散清妍常娥儘有情緣
留著三五盈盈未夜照憑肩看晚粧臨鏡若
箇嬾娟尋常月圓恨都向別時偏幾度郵
亭枕上野店尊前珠明玉秀筭一日相看一
日仙人共月長似今年

江梅引

泰和中西州士人家女阿金姿色絕
妙其家欲得佳婿使女自擇同郡某

郎獨華腴且以文采風流自名女欲
得之嘗見郎墻頭數語而去他日又
約于城南郎以事不果來其後從兄
官陝右女家不能待乃許他姓女鬱
鬱不自聊竟用是得疾去大歸二三
日而死又數年郎仕馳驛過家先通
殷勤者持冥錢告女墓云郎今來歸
女知之耶聞者悲之此州有元魏離
宮在河中渾士人月夜踏歌和云魏
拔來野花開故予作金娘怨用揚白

花故事詞云含情出戶嬌無力拾得
揚花淚沾臆春去秋來雙燕子願啣
揚花入窠裏卽中朝貴游不欲斥其
名借古語道之讀者當以意曉云骨
化形銷丹誠不泯因風委露猶托清
塵是崔娘書詞事見元相國傳奇

墻頭紅杏粉光勻宋東鄰見卽頻腸斷城南
消息未全真拾得揚花雙淚落江水闊年年
燕語新 見說金娘埋恨處蒺藜沙草不盡
離魂一隻鴛鴦去寂寞誰親唯有因風委露

托清塵月下哀歌
宮殿古暮雲合
遙山入翠
顰

李仁卿同賦附

陌頭楊柳恨春遲
被寒欺澹依依
瘦損王孫
青瑣小腰圍
墻外瓊枝空照影
翠蛾斂遊絲
百丈飛燕歸
鴈歸書問寂
月細風尖供怨
笛玉骨成灰
聖得迴夢裏
音容良是
覓來非
多少江州司馬淚
斷腸曲河聲送落暉

玉樓春

吹臺簫瑟行雲暮
一帶雨聲連禁樹
正當潘

岳感秋時又到社陵懷古處
百年同是紅塵路
行近醉鄉差有趣
坐中誰是獨醒人
我醉欲眠卿可去

定風波

白水青田萬頃秋風煙平楚
散羊午莫放相公黃閣去
留取笑談尊俎也風流
華表仙人人不識
今夕鹿車也到百花洲
好把襄江都釀酒
爲壽壽星光彩動南州

二

楊叔能歸淄川予別於山陽作鷓鴣

詞留贈云解后梁園對榻眠舊遊回首一凄然當時好客誰爲寂李趙風流兩謫仙居接棟稼隣田與君詩酒度殘年飄零南北如相避開歲還分隴上泉因用其意答之李趙謂閑閑公與屏山也

白髮相看老兄弟恨無一語送君行至竟交情何處好向道不如行路本無情少日龍門星斗近爭信淒涼湖海寄餘生耆舊風流誰復似從此休將文字占時名

蝶戀花

戊辰歲長安作

一片花飛春意減
兩兩風風常恨尋芳晚
若箇花枝偏入眼
尊前細問春風揀
醉裏看花雲錦爛
只記鶯聲不記紅牙板
留着佳人鸚鵡醜
明朝剩把長條挽

二

甲申歲南都作

牢落羈懷愁有信
流水浮生幾見中秋閨
千古詩壇將酒陣
一輪明月消磨盡
八月人

間秋滿鬢桂樹扶疎更與秋風近天上姮娥
應有恨騎鯨人去無人問

三

白鹿原新齋作

負郭桑麻秋課重十角黃牛分去声得山田
種鄉社雞豚人與共春風漸入浮蛆甕遶
屋清溪醒午夢一榻翛然坐受雲山供四海
虛名將底用一聲啼鳥巖花動

臨江仙

自洛陽往孟津道中作

今古北邙山下路黃塵老盡英雄人生長恨
水長東幽懷誰共語遠目送歸鴻 蓋世功
名將底用從前錯怨天公浩歌一曲酒千鍾
男兒行處是未要論窮通

二

飲昆陽官舍有懷

世故迫人無好况酒杯今日初拈昆陽城下
酌蒼蟾乾坤悲夜永笳鼓覺秋嚴 夢寐玉
溪溪上路竹枝斜出青帘故人白髮未應添
浩歌風露下相望一掀髯

三

寄德新丈

自笑此身無定在北州又復南州買田何日
遂歸休向來元落落此去亦悠悠 赤日黃
塵三百里嵩丘幾度登樓故人多在玉溪頭
清泉明月曉高樹亂蟬秋

四

與欽叔飲二首

解后一尊文字飲春風爲洗愁顏花枝入鬢
笑詩班登臨千古意天澹夕陽閑 南去北

來行老矣人生茅屋三間何人得似謝東山
紫簫明月底高竹倚風鬟

五

明月清風無盡藏平生老子南樓閣間談笑
說封侯誰能知許事一笑去來休舊見輞
川圖畫裏十年孤負歡游百金早晚得菟裘
與君成二老來往亦風流

六

相下與王以道飲席間走筆爲賦王
予東曹掾時同舍郎也

一段江山英秀氣風流天上星郎烟花故國
五雲鄉只知心事在爭問鬢毛蒼 千古西
陵歌舞地興來忘却悲涼相逢一醉莫停觴
東山看老去湖海永相忘

七

西山同欽叔送溪南詩老辛敬之歸
女几兼簡劉景玄敬之留別詞併錄
於此誰識虎頭峰下客少時有意功
名清朝無路到公卿蕭蕭茅屋下白
髮老書生解后對床逢二妙揮毫落

紙堪驚他年聯袂上蓬瀛
春風蓮燭影莫忘此時情

自笑此身無定在風蓬易轉孤根羨君歸意
滿離尊眼中茅屋興稚子已迎門
回首對床燈火處萬山深裏孤村故人天末賦招魂
新詩憑寄取憔悴不須論

八

世事悠悠天不管春風花柳爭妍人家寒食
盡藏煙不知何處火來就客心燃
千里故鄉千里夢高城淚眼遙天時光流轉鴈飛邊

今春看又過何日是歸年

九

醉眼紛紛桃李過
雄蜂雌蝶同時一
生心事杏花詩
小橋春寂寞風雨鬢成絲
天上鸞膠尋不得
直教吹散胭脂
月明千里少姨祠
山中開較晚
應有背陰枝

小橋南北夢幽尋
殘醉蕩騰不易禁
一樹杏花春寂寞
惡風吹折五更心
此子二十年前崧山中詩也

十

李輔之在齊州予客濟源輔之有和
荷葉荷花何處好大明湖上新秋紅粧翠蓋
木蘭舟江山如畫裏人物更風流 千里故
人千里月三年孤負歡游一尊白酒寄離愁
殷勤橋下水幾日到東州

李輔之和篇附

南去北來人自老落花飛絮悠悠思君一度
一登樓無窮烟水裏何處認并州 忽見姓
名雙淚落新詩聊浣離愁若爲重醉綉江秋
芙蓉明月下來往一扁舟

對花懷洛陽舊遊

紫玉雙華相照映錦兒仍是瓊兒天邊誰與
慰相思洗粧無別物只有斷腸詩 水北水
南渾一夢眼中紅袖烏絲春風同是可憐枝
爭教歌酒興不似洛陽時

贈仲經女子楚楚

阿楚新來都六歲掌中一捻嬌春詩中有筆
畫難真芝香雲作朶魚細錦為鱗 舊說張

門多靜女更和靈照情親外家姓誇談休遣

孔元嗔異時看小妹林下謝夫人

十三

內鄉寄崧前故人

昨日半山亭下醉窪尊今日留題放船直到
浙江西水壺天上下雲錦樹高低 世上紅
塵爭白日山中太古熙熙外人初到故應迷
桃花三百里渾是武陵溪

十四

內鄉北山

夏館秋林山水窟家家林影湖光三年閑爲
一官忙簿書愁裏過筭巖夢中香 父老書
來招我隱臨流已蓋茅堂白頭兄弟共論量
山田尋二頃他日作桐鄉

十五

孟津河山亭同欽叔賦因寄希顏兄
試上古城城上望水光天影相涵都作形勝
入高談河山君與我獨恨少髯叅造物戲
人兒女劇狙公暮四朝三百年都合付薰酣
人家誰有酒吾與典春衫

原书缺页



原书缺页



胡蝶送歸鞍揚州夢芍藥薦金槃羅幌酒
醒寒燈前朱麝淺翠螺殘一春心事紵衣寬
青鸞容樓外日三竿

二

酒冷燈青夜不眠寸腸千萬縷兩相牽鴛鴦
秋雨半池蓮分飛苦紅淚曉風前一天遠鴈
翩翩鴈來人北去遠如天安排心事待明年
無情月看待幾時圓

鵲橋仙

同欽叔欽用賦梅

孤根漸煖芳魂乍返待吐檀心又懶未先拈
出一枝香筓只是司花會揀情緣未斷韶
華易減早去尋芳已晚東風容易莫吹殘暫
留與何郎慰眼

二

梨花春暮垂楊秋晚歸袖無人重挽浮雲流
水十年間筓只有青山在眼風臺月榭朱
唇檀板多病全踈酒醖劉郎爭得似當時比
前度心情又減

二

乙未三月冠氏紫微觀挑符上開花
一枝予與楊煥然共歎以爲此亦當
却一春耶因取此意作此以自喻云
槐根夢覺瓜田歲暮白髮新來無數長安遷
客望朱崖未喚得烟霄失路西州芍藥南
州瓊樹香滿雲牕月戶蒨藜沙上野花開也
筭却春風一度

一落索

戲王鼎玉同年

人見何郎新來瘦不見天寒翠袖綉被薰香

透幾時却似鴛鴦舊
九十日春花在手可
惜歡緣未久去去休
回首柔條去作誰家柳

南鄉子

一雨浣年芳
燕燕鶯鶯滿洛陽
梨雪漸空桃李過
風光恰到風流睡海棠
何處最難忘
楊柳高樓近苑牆
喚取分司狂御史
何妨暫醉佳人錦瑟傍

二

煙草入西州
暮雨千山獨倚樓
不似秦東亭上飲
風流翠袖春風兩玉舟
事去重回頭

却是多情不自由爲向河陽桃李道休休有
鬢能堪幾度愁

三

風雨送春忙爛醉花時得幾場枝二桃花吹
盡也殘芳一片春風一片香少口爲花狂
老去逢春只自傷回首十年歡笑處難迴一
曲悲歌淚數行

四

少日負虛名問舍求田意未平南去北來今
老矣何成一線微官誤半生孤影伴殘燈

萬里燈前骨肉情短髮抓來看欲盡天明能
是青青得幾莖

五

幽意曲中傳總是才情得處偏唱到斷腸聲
欲斷還連一串驪珠箇箇圓 畫扇綺羅筵
韓馬風流在眼前坐上有人持酒聽淒然夢
裏梁園又一年

踏莎行

微步生塵殘粧暈酒朱門如海空回首東風
正有去年華柔條去作誰家柳 細雨春寒

青燈夜久孤衾未煖還分手夢中見也不多
時怎生望得長相守

桃源憶故人

代贈良佐所親

楚雲不似陽臺舊只是無心出岫竹外天寒
翠袖寂寞啼粧瘦絃聲宛轉春風手殢得
行人病酒明日西城回首腸斷江南柳

遺山樂府卷之中

此原詩如入

青瑩文入如文不義聖公千藝中真也下

遺山樂府卷之下

鷓鴣天

隆德故宮同希顏欽叔知幾諸人賦
臨錦堂前春水波蘭皋亭下落梅多三山宮
闕空瀛海萬里風埃暗綺羅雲子酒雪兒
歌留連風月共婆娑人間更有傷心處奈得
劉伶醉後何

二

木犀

桂子紛翻浥露黃桂華高韻靜年芳薔薇水

潤宮衣軟婆律膏清月殿涼 雲岫句海仙
方情緣心事兩難忘衰蓮枉悞秋風客可是
無塵袖裏香

三

零落樓遲感興多酒盃直欲捲銀河人間清
鏡悲華髮世外仙碁爛斧柯 長袖舞杭音
歌月明人影兩婆娑醉來知被旁人笑無奈
風情未減何

四

蓮

瘦絲愁紅倚暮煙露華涼冷洗嬋娟含情脉
脉知誰怨顧影依依定自憐 風送雨水連
天凌波無夢夜如年何時北渚亭邊月狼藉
秋香拂畫船

五

孟津作

揔道忘憂有杜康酒逢歡處更難忘桃紅李
白春千樹古是今非笑一場 歌浩蕩墨淋
浪銀釵縞袂滿隣牆百年得意都能幾乞去
聲與兒曹說醉狂

六

與欽叔京甫市飲

樓上歌呼倒接籬樓前分手却相携
兩前雨後花枝臧州北州南酒價低
憐六鴈笑醯雞鶴長鳧短幾時齊
醒來門外三竿日卧聽春泥過馬蹄

七

中秋夜飲倪文仲家蓮花白醉中賦

此

月窟秋清桂葉丹仙家釀熟水芝殘
香來寶

地三千界露入金莖十二槃
天澹澹夜漫漫
五湖豪客酒腸寬
醉來獨跨蒼鸞去
大華峰高玉井寒
蓮爲水芝見
崔豹古今注

李仁卿同賦二首附

太一滄波下
酒星露醺秘訣出
仙竊情知天上
蓮花白
馱盡人間竹葉青
迷晚色散秋馨
兵厨曉溜玉泠泠
楚江雲錦三千頃
笑殺靈均話獨醒

十丈冰花太一峰
拍浮來赴酒船中
碧筒象鼻秋泉滑
澤國幽香笑捲空
雲淡竚月朦

隴醉鄉千里鯉魚風馮夷擊鼓休驚客羅襪
生塵恐惱公

八

效朱希真體

十步宮香出綉簾惱人簾底月纖纖五葆驕
馬垂楊渡孤負仙郎側帽簷秋澹澹酒馱
馱新詩和恨入香奩相思恰似鴛鴦錦一夜
新涼一夜添

九

效東坡體

煮酒青梅入座新姚家池館宋家隣樓中燕
子能留客陌上揚花也笑人 梁花月洛陽
塵少年難得是間身殷勤昨夜三更雨剩醉
東城一日春

十

讀李崖州詩有感何處新生黃雀兒
飛來直上取高枝側頭撼腦南園裏
將謂春光總屬伊

姚宋光明到此家爭教老作賈長沙碧山也
要崖州住百匝千遭繞郡衙 南苑月曲江

花青雲軒蓋滿京華
新生黃雀君休笑
占了春光却被他

十一

宮體八首

候館燈昏雨送涼
小樓人靜月侵床
多情却被無情惱
今夜還如昨夜長
金屋煖玉爐
香春風都屬富家郎
西園何恨相思樹
辛苦梅華候海棠

十二

憔悴鴛鴦不自由
鏡中鸞舞只堪愁
庭前花

是同心樹山下泉分兩玉流
金絡馬木蘭舟
誰家紅袖水西樓
春風帶殺官橋柳
吹盡香
綿不放休

十三

天上腰肢說館娃
眼中金翠有芳華
行雲着
意留歌扇
遠柳無情隔鈿車
周昉畫洛陽
花一枝濃豔
落誰家
春寒恨殺如
年夜庭樹
陰陰欲暮鴉

十四

小字繚綾寫欲成
印來眉黛綠
分明水流刻

漏何曾住玉作彈碁儘未平 愁易積夢頻
驚閒衾欹卧覺霜清月明不放寒枝穩夜夜
烏啼徹五更

十五

自在晴雲覆苑牆徘徊明月駐清光已看紅
袖沾芳酒猶認宮螺映綺窓 金翡翠繡鴛
鴦春風花煖柳綿香殷勤未數閒情賦不願
將身作枕囊

十六

複幕重簾錦作天金荷銀燭夜如年漢皇解

佩終疑夢縵嶺吹笙恰是仙
花一夢柳三眠春風無意惜芳妍
羅裙細看輕盈態元在腰肢婀娜邊

十七

八重吳蠶剩欲眠東西荷葉兩相憐
一江春水何年盡萬古清光此夜圓
花爛錦柳烘煙韶華滿意與歡緣
不應寂寞求凰意長對秋風泣斷絃

十八

好夢初驚百感新誰家歌管隔牆聞
殘燈收

罷空明月臘雪消融更暮雲
鶯有伴鴈離群西窓寂寞酒微醺
春寒留得梅華在剩爲
何郎瘦幾分

十九

少日驪駒白玉珂靈砂犀角費頻磨
西城燈火長安夢滿意春風似兩坡
流素月淡秋河百年狂興一聲歌
醉歸扶路人應笑頭上花枝奈老何

二十

拍塞車箱滿載書梁鴻元與世相踈
只緣推乃

手成歸計不恨埋頭屈壯圖
蒼玉研古銅
壺坐看兒輩了耕鋤
年年此日如川酒千尺
青松儘未枯

二十一

長恨簫聲隔粉牆
爭教移住五雲鄉
一溪春水開何事
流水桃花賺阮郎
風攪夢月侵床
情緣消得海生來
鴛鴦不鎖黃金殿
雌蝶雄蜂枉斷腸

二十一

酒興濃於琥珀濃
爭教相望水西東
人家寒

食清明後天氣輕煙細雨中
花不盡柳無窮
賞心雖是此時同
阿連近日歌喉穩
唱得春宵燭影紅

二十三

短髮如霜久已拚無冠
可挂更須彈初聞古
寺多悵鬼又說層兵
有熱官閑處坐靜中
看時情天意酒杯乾
籬邊老却陶潛菊
一夜西風一夜寒

二十四

華表歸來老令威
頭皮留在姓名非
舊時逆

旅黃梁飯今日田家白板扉
沽酒市釣魚磯愛閑真與世相違
墓頭未要征西字元是
中原一布衣

二十五

拋却浮名恰到閑却因隈懶得瞞肝從教道
士誇懸解未信禪和會熱謾山院靜草堂
寬一壺濁酒兩蒲團題詩寄與王夫子乘興
時來看藥欄

二十六

只近浮名不近情且看不飲更何成
三杯漸

覺紛華遠一斗都澆魂磊平 醒復醉醉還
醒靈均憔悴可憐生離騷讀殺渾無味好箇
詩家阮步兵

二十七

枕上清風午夢殘華胥東望海漫漫湖山似
要閑身管花柳難將病眼看 三徑在一枝
安小齋容膝有餘寬鹿裘孤坐千峰雪耐與
青松老歲寒

二十八

總道狙公不易量朝三暮四儘無妨舊時鄴

下劉公幹今日家中白侍郎 歌浩蕩酒淋浪

浮雲身世兩相忘 孤峰頂上青天闊 獨對春

風舞一場詩裏黃番綽家中白侍郎石曼卿

二十九

白白紅紅小樹花 春風滿意與鉛華 烟霄勻

屬千金馬月旦真成兩部蛙 諸葛菜邵平

瓜白頭孤影一長嗟 南園睡足松陰轉無數

蜂兒趁晚衙

三十

偃蹇蒼山卧北淘 鄭莊場圃入微茫 即看花

樹三春滿舊數松風六月涼
蔬近井蜜分房茅齊堅坐有梨床
傍人錯比楊雄宅笑殺韓家畫錦堂

三十一

薄命妾辭三首

複幕重簾十二樓而今塵土是西州
香雲已失金鈿翠小景猶殘畫扇秋
天也老水空流春
供得幾多愁
桃花一簇開無主
儘着風吹雨村休

三十二

顏色如花畫不成，命如葉薄可憐生。
浮萍自合無根蒂，楊柳誰教管送迎。
雲聚散，月虧盈，海枯石爛古今情。
鴛鴦隻影江南岸，腸斷枯荷夜雨聲。

三十三

一日春光一日深，眼看芳樹綠成陰。
娉婷盧友嬌無奈，流落秋娘瘦不葉。
霜塞闊，海煙沉，燕鴻何地更相尋。
早教會得琴心了，醉盡長門買賦金。

三十四

玉立芙蓉鏡裏看鉛紅無地着邊鸞半衾幽
夢香初散滿紙春心墨未乾 深院落曲攔
干舊歡新恨苧衣寬幾時忘得分携手黃葉
踈雲渭水寒

三十五

百轉嬌鶯出畫籠一雙胡蝶帶芳叢葱龍花
透纖纖月暗淡香搖細細風 情不盡夢還
空歡緣心事淚痕中長安西望堪腸斷霧閣
雲窓又幾重

三十六

淡淡青燈細細香
四更人語在幽窓
西風數點迎秋雨
六尺芙蓉滿意涼
秦樹遠楚天
長綠嬌紅小
負年若鴛鴦
莫道無離恨
銷向金籠恰是雙

三十七

着意尋春苦未遲
無情風雨妬芳期
青樓天遠無書到
繡被寒多祗夢知
雲淡竚月低
迷洛陽山色見
愁眉何時重
解香羅帶細看
春風玉一圍

品令

清明夜夢酒間唱田不伐映竹園啼
鳥樂府因記之

西齋向曉牕影動人聲悄夢中行處數枝臨
水幽花相照把酒長歌猶記竹間啼鳥風
流易老更常被閒愁惱年年春事大都探得
歡遊多少一夜狂風又是海棠過了

浪淘沙

詩句入冥搜欲寫還休人間情是阿誰留千
丈遊絲不落地風外悠悠煙雨晚山調人
倚西樓衡陽歸鴈滿沙頭一種江城寒夜容

一種春愁

二

雲外鳳凰簫天上星橋相思魂斷欲誰招瘦
殺三山亭畔柳不似宮腰長日篆煙銷睡
過花朝紅薔薇架碧芭蕉雌蝶雄蜂天不管
各自無聊

三

春瘦怯春衣春思低迷雨聲偏與睡相宜懊
惱離愁尋殢酒已被愁知煙樹望中低水
繞山圍下寧雙燕話心期昨夜狂風花在不

明日郎歸

四

金翠畫屏山萬髻千鬟桃源樓閣五雲間恨
殺芙蓉城下客不借青鸞 風雨杏花殘芳
意都闌一燈孤影小窓閑綉被薰來香欲盡
只是春寒

五

爲煙中樹作二首

楊柳日三眠桃李爭妍千金誰許占芳年買
得閑愁無處着却恨春偏 流水武陵源夢

引愁牽東風歸興鴈翩翩試問西窓前夜月
幾度先圓

六

芳樹翠煙重殘角疎鐘落花飛絮一簾風可
惜河陽桃李月彈指春空 翡翠合歡籠相
望西東瑣窓幽夢幾迴同料得朱門歌舞罷
滿袖啼紅

南柯子

畫扇香微遠宮螺意自濃杏園憔悴五更風
不道六朝瓊樹捲春空 螺近花疑笑犀靈

月易通襄王雲雨夢魂中曾見芙蓉裙衩幾
多紅

二

粉淡梨花瘦香寒桂葉顛畫簾雙燕舊家春
曾是玉簫聲裏斷腸人澹澹催詩雨遲遲
入夢雲武陵流水隔紅塵只怕翠鸞消息未

全真

三

濟川壽席

闕闕真王後衣冠上客中路人遙識紫髯

爭信舊來文賦動南宮
得壻攀龍貴生男
射虎雄壽筵休放酒尊空
且道幾人福與君同

西江月

懸玉微風度曲薰
爐熟水留香
相思夜夜鬱金堂
兩點春山枕上
楊柳宜春別院杏花
宋玉隣墻天涯春色斷
人腸更是高城晚望
人月圓

卜居外家東園

重岡已隔紅塵斷
村落更年豐
移居要就

中遠岫舍後長松 十年種木一年種穀都
付兒童老夫惟有醒來明月醉後清風

二

玄都觀裏桃千樹花落水空流憑君莫問清
涇濁渭去馬來牛 謝公扶病羊曇揮涕一
醉都休古今幾度生存華屋零落山丘

太常引

五雲樓觀日華東看天上建章宮人海混魚
龍比自古中原更雄 紫垣星月禁街燈火
朝馬鬧晨鍾 夢轉頭空恍猶在邯鄲道中

予年廿許時自秦州待下還太原路
出絳陽適郡人爲觀察判官祖道道
傍少年有與紅袖泣別者少馬車馬
相及知其爲觀察之孫振之也所別
郎琴姬阿蓮予嘗以詩道其事今二
十五年歲辛巳振之因過予語及舊
遊恍如隔世感念今昔殆無以爲懷
因爲賦此

渚蓮寂寞倚秋煙
發幽思入哀絃
高樹記離

筵似昨日郵亭道邊
白頭青鬢舊遊新夢
相對兩淒然驕馬弄金鞭
也曾是長安少年

三

官街楊柳絮飛忙
鞍馬送年芳
詩興更教狂
筭能醉花前幾場
滿城桃李一枝香
雪不屬富家郎
風雨沒商量
快來與梨花洗粧

四

東原上清宮同楊飛卿
夜話汝梁舊
遊追懷欽叔內翰
飛卿名鴻有詩名

東州

十年流水共行雲相見重情親
滄海坐楊塵
便疑是前身後身
風臺月榭舞裙歌扇樂
事幾迴新莫話洛陽春
更誰似金鑾故人

五

爲東原范尊師壽范新得曹夫人所
畫松上幽人圖上有曹道冲題詩

衣冠人物渺翩翩
天地一矐仙
來自范公泉
管家在三山洞天
一簪華髮一篇秋水得
意已忘言
圖畫看他年與松上幽人並傳

眼兒媚

阿儀醜筆學雷家
遶口墨糊塗音搽今年解
道踈籬凍雀遠
樹昏鴉乃公行坐
文書裏面皺鬢生
華兒郎又待吟詩
寫字甚是生涯

朝中楷

永寧時作

連延村落並陽厓
川路到山迴竹樹
攢成風月溪堂隔
斷塵埃小亭幽圃
醅釀未過芍藥初
開驢上一壺春酒
主人莫厭重來

二

春閨寂寂掩蒼苔
風雨捲春回擬寫
碧雲心

事筆頭無句安排 燈昏酒冷愁牽夢引直
事秋懷料得醅釀知我枕邊時有香來

三

盧溝河上度旃車 行路看宮娃 古殿吳時花
草奚琴塞外風沙 天荒地老池臺何處羅
綺誰家夢裏 行燈火皇州依舊繁華

四

時情天意枉論量 樂事苦相忘 白酒家家新
釀黃華日日重陽 城高望遠煙濃草淡一
片秋光故國江山如畫醉來忘却興亡

五

醉來長缺為誰彈
憔悴入函關一帶秦川如
畫夕陽仙掌空閑
門邊骯髒胸中磊磊何
苦人間死馬明年西去看君射虎南山

六

櫻桃花下玉亭亭
隨步覺春生處處綺羅叢
裏偏他特地分明
韶華似水棠梨葉吐楊
柳新成不是低鬟一笑十分只是無情

七

夾衣晨起怯新霜
歸路楚山長只道佳期相

誤夢魂夜夜誰行
鏡中鸞舞花間鵲轉未
抵歡狂都把而今煩惱見時別與論量

八

效俳體

瑞雲浮動酒波紅一醉捲愁空
昨日海棠窠下今朝芍藥香中
蜂迎蝶送珠圍翠繞儘
謝春風管甚碧油堂印且教臨老花叢

九

良宵一刻抵千金孤負百年心
好箇一江春水深來不似情深
一天好事還教容易着

甚消任煩惱直須寧耐不成長似如今

十

御香新拆紫囊封
萼萼綠雲叢開晚
只嗔寒動粧成又怕晴烘
化工也爲花中第一薰
染偏濃誰有石家紅錦重
重圍住春風

阮郎歸

漫郎活計拙于鳩
閑中又過秋枕書眠了却
登樓貧來頗自由
書咄咄賦休休西牕晚
更幽詩家貧殺也風流
家人不用愁

二

為李長源賦

帝城西下望西山，城居歲又殘。
萬家風雪一家寒，青燈語夜闌。
人鮓甕鬼門開，無窮人往還。
求官莫要近長安，長安行路難。

三

獨木橋體

別郎容易見郎難，千山復萬山。
楊花簾幙晚風閑，愁眉淡淡山。
光祿塞鴈門，關望夫元有山。
當時只合鎖雕鞍，山頭不放山。

清平樂

香團嬌小拍拍春多少一樹鉛華春事了鎖
甚珠圍翠繞生紅闌簇枯枝只愁吹破胭
脂說與東風知道杏花不看閑時

二

溪頭來去坐卧松溪樹管甚人間無着處已
被白雲留住生平不置肝腸只今物我都
忘說與山中魚鳥相親相近何妨

三

太山上作

江山殘照落落舒清眺澗壑風來號萬竅盡

入長松悲嘯 井蛙瀚海雲濤醯雞日遠天
高醉眼千峰頂上世間多少秋毫

四

罷鎮平歸西山草堂

垂楊小雨處處歸鞍駐八十田翁良愧汝把
酒千言萬語 細侯竹馬相從笑渠奔走兒
童十里村簫社鼓依然傀儡棚中

五

離腸宛轉瘦覺粧痕淺飛去飛來雙語燕消
息知郎近遠 樓前小雨珊珊海棠簾幙輕

寒杜宇一聲春去樹頭無數青山

六

蘭膏香聚醉枕聞低語一刻春宵流水去訴
得離情幾許 桃花紅淺紅深五年煙草歸
心留得一枝春在爭教綠葉成陰

七

香凝嬌聚玉立臨春樹細看司花留意處都
在輕勻淺注 相逢南陌東城有情只似無
情說與新來憔悴鶯兒不解丁寧

八

憶鎮陽

悲歡聚散世事天誰管
梳去梳來雙鬢短
鏡裏看看雪滿
燕南十月霜寒
孤身去住都難
何日西牕燈火
眼前兒女團圓

九

夜宿奉先與宗人明道談天壇勝遊
因賦此詞司馬子微開元十七年中
元日藏金華丹經于天壇石室中興
亂後人得之字畫如洛神賦黼素亦
不爛壞予於山陽一相識家嘗見之

丹書碧字細說金華事試問誰邊堪舉似除
却青蓮居士胎仙八表冷風爭教低首樊
籠夢裏雲裝煙駕倚天壇影西東

十

嘲兒子阿寧

嬌鶯姪姹解說三生話試看青衫騎竹馬若
箇張萱許畫西家撞透煙樓東家談笑封
侯莫道元郎小小明年部曲黃牛

十一

贈句龍英孺家小女子阿金張仲經

二女名蘭蘭楚楚

瓊枝瑤草來自三山島莫道生男堪慰老掌
上金兒更好 煙脂杏蕾生紅繡襦學弄春
風好共蘭蘭楚楚畫教乞巧圖中

浣溪沙

方城仙翁山北水庄成而良伙以事
繫獄以此寄之

百折清泉繞舍鳴隔年楊柳綠陰成藕花多
處一舟輕 行處自由皆樂事得來無用是
虛名等閑榮辱不須驚

二

宿孟津官舍

一夜春寒滿下廳，獨眠人起候明星。
娟娟山月入踈櫺，萬古風雲雙短鬢。
百年身世幾長亭，浩歌聊且慰飄零。

三

外家種德堂

墻外桑麻雨露深，堂前桃李有新陰。
高門因見古人心，三世讀書無白屋。
一經教子勝黃金，小雛先與喚瓊林。

四

史院得告 西山

萬頃風煙入酒壺
西山歸去一狂夫
皇家結網未曾踈
情性本宜閑處着
文章自忖用時無
醉來聊爲鼓龍胡

五

芍藥初開百步香
小欄幽徑隔長廊
好花都屬富家郎
此樂莫教兒輩覺
老夫聊教少年狂
高烧銀燭照紅粧

六

日射雲間五色芝
鴛鴦宮瓦碧參差
西山晴雪入新詩
焦土已經三月火
殘花猶發萬年枝
他年江令獨來時

往年宏辭御題有西山晴雪詩

七

相州西南善應洹水所從出
風物絕似吾崧山
玉溪但寒藤老樹
差不及耳

湖上春風散客愁
芳洲煙景記曾遊
人家渾似玉溪頭
楊柳青旗酪酒市
桃花流水釣

魚舟紅塵鞍馬幾時休

八

三臺送客作離合體

萬里行青雲人物舊知名百壺春
酒過清明 渺渺荒陂冰井路青青楊柳玉
開情斜陽無語下西陵

九

芳草重陽長樂坡兩行紅淚一聲歌淋漓襟
袖酒痕多 夢裏翠翹驚墮枕愁邊羅襪見
凌波春寒春瘦夜如何

十

夢繞桃源寂寞回春殘滋味似秋懷多情翻
恨酒爲媒數點雨聲風約住一簾花影月
移來小欄幽徑獨徘徊

十一

懷李彥深李濟南人繡江在長白山

下

綠綺塵埃試拂絃今人誰與子爭先相逢尊
酒合留連金馬玉堂梁苑客岸花汀草繡
江船舊遊回首又三年

後庭花破子

玉樹後庭前
瑤華妝鏡邊
去年花不老
今年月又圓
莫教偏和花和月
大家長少年

二

夜夜壁月圓
朝朝瓊樹新
貴人三閣上
羅衣拂繡茵
後庭人和花和月
共分今夜春

孫正卿和一首附正卿名梁中山人

柳葉黛眉愁
菱花粧鏡羞
夜夜長門月
天寒獨上樓
水東流
新詩誰寄相思
紅葉秋

古烏夜啼

玉簪

花中閑遠風流一枝秋只枉十分清瘦不禁
愁人欲去花無語更遲留記得玉人遺下玉
搔頭

點絳脣

長安中作

沙際春歸綠牕猶唱留春住問春何處花落
鶯無語渺渺吟懷漠漠煙中樹西樓暮一
簾踈雨夢裏尋春去

宜男

綠淡香濃舊曾百子池邊種碧筵孤聳驚墮
釵頭鳳 檀粉輕拈苦怕蜂腰重天花供一
枝誰送寂寞南華夢

三

青梅永寧時作

玉葉瓊瓏素粧不趁宮黃媚謝家風致取得
春風意 手把青枝憶得斜橫髻西州淚玉
觴無味強爲清香醉

四

痛負花期半春猶在長安道故園春早紅雨
深芳草愁裏花開愁裏花空老西歸好一
尊傾倒乞去声與花枝惱

五

夢裏梁園煖風遲日熏羅綺滿城桃李車馬
紅塵起客枕三年故國雲千里更淺未夜
寒如水茅屋清霜底

六

國艷天香一叢百朵開來半燕忙鶯亂要結
尋芳伴買斷春風醉倒應須判清尊滿謝

家池館歲歲年年看

七

寄李輔之

生死論交有情何似無情好
滿前花草更覺今年老
塞上春遲湖上春風早
東州道幾時飛到爛醉紅雲烏

八

十六芳年錦兒嬌
小瓊兒秀海棠紅縐恰到
愁時候
天上歌聲未省人間有
休回首渭城煙柳腸斷離亭酒

訢衷情

萬人如海一身藏
隨例大家忙
東華軟紅塵
土倍損謝三郎
蘭若寺玉溪庄
兩茅堂雞豚鄉社
鵝鴨比隣好箇崧陽

二

升平責望富民侯
愁損抱官囚
自家本無煩惱
鬧處要鑽頭
山崦寺水心樓
去來休醉扶歸路
鼓吹鳴蛙部曲黃牛

三

仲經舉兒小字高閭
所居名高齋

行齋活計五車書真欲釜生魚天公也相料
理新得掌中珠 省驥子弄鷓鴣寂憐渠青
衫竹馬後日迎門好箇高閣

扶桑子

兒家門戶重重掩郎住墻東枉破春工萬紫
千紅一夜風 伯勞分背西飛燕何日相逢
縱得相逢海闊天高處處同

謁金門

漕司西齋

羅衾薄蘆外五更風惡醉後題詩渾忘却烏

啼殘月落 憔悴何郎東閣病酒不禁重酌
袖裏梅花春一握幽懷無處託

好事近

冬夜有懷

夢裏十年心情味夢回猶惡枕上數行清淚
被驚鳥啼落西床瓶水夜深寒梅華瘦如
削只有一枝春在問東君留着

遺山樂府卷之下

樂府詩家之大香奩也遺山
所著清新婉麗其自視似羞
比秦晁賀晏諸人而直欲追
配於東坡稼軒之作豈是以
東坡為第一而作者之難得
也耶然后山以為子瞻以詩
為詞如教坊雷大使之舞雖
極天下之工要非本色李易

安亦云子瞻歌詞皆句讀不
葺之詩耳徃徃不協音律王
半山曾南豐文章似西漢若
作小歌詞則人必絕倒不可
讀也乃知別是一家知之者
少彼三先生之集大成猶不
免人之譏議况其下者乎夫
詩文分平側而歌詞分五音

五聲又分六律清濁輕重無
不克諧然後可以入腔矣蓋
東坡自言平生三不如人歌
舞一也故所作歌詞間有不
入腔處耳然與半山南豐皆
學際天人其於作小歌詞直
如酌蠡水于大海豈可謗傷
耶吾東方旣與中國語音殊

異於其所謂樂府者不知引
聲唱曲只分字之平側句之
長短而協之以韻皆所謂以
詩為詞者捧心而顰其里祇
見其醜陋耳是以文章巨公
皆不敢強作非才之不逮也
亦如使中國人若作鄭瓜亭
小唐雞之解則必且使人撫

掌絕纓矣唯益齋入侍忠宣
王與閻趙諸學士游備知詩
餘衆躰者吾東方一人而已
然使后山易安可作未知以
弊衣緩步為真孫叔敖也耶
以此知人不可造次為之雖
未知樂府亦非我國文章之
累也愚之誦此言久矣今以

遺山跋
告監司廣原李相國相國曰
子之言是矣然學者如欲依
樣畫胡蘆不可不廣布是集
也於是就舊本考校殘文誤
字謄寫淨本遂囑晉州慶牧
使絰繡梓峇弘治紀元之五
年壬子重易後一日都事月
城李宗準仲鉤識